


# Batbayar im Bok in Pija eo

Jān Richard M. Romney  
Māākjiiin ko an Kabuñ  
(Pedped ioon juon  
bwebwenato emool)

Eaar juon raan ekōttoto Eilo Mongolia. Batbayar eo ratimjuon an iio eaar etetal ļok nān mweeo imōn jān jikin uwe eo an baaj ālkin jikuul. Eaar lukkuun jiburlepe kopā eo an ilo kōto eo. Ejeraamman, ejjab ettoļok jen mweeo imōn jibun im jimman, ijo eaar jokwe ie.



“Iakwe!” Batbayar eaar ba ke ej deļōntok.  
“Koruwainenetok,” Bubu eaar ba. “Iaar kōmman jidik *khuushuur* nān kapijje.”  
“Kommoool!” Batbayar eaar tin jibwe juon iaer, jālele in bae ebwiļ.  
“Kōttar! Jimma eaar ba, jab kijōr in mōnā mae iien eitok mijinede ro.” “Mōttan jidik reitok.”  
Emman ippān Batbayar nē mijinede ro jān kabuñ eo an Bubu im Jimma rej lotok. Aolep iien eļap an ekkatak jān er. Bōtaab ekar waļok juon jorrān.  
“Renaaj ke bar kajjitōk ippa bwe in riiti Bok in Mormon?” Batbayar eaar kajjitōk. “Epen riit ippa.”  
Bubu eaar ba, “Eñin unin aer bōktok juon bar bok rainin.”  
“Bok in ta?” Batbayar eaar kajjitōk.  
Jimma eaar ba, “Kwonaaj loe.”

Tokālik mijinede ro raar itok. Raar jimor mōnāiki bae in jālele eo enno Bubu eaar iōōke. Innām Batbayar eaar kajjitōk, “Jimma ej ba komiro eaar bōktok juon bok nān nā.”  
Sister Heitz eaar ba, “Ij tōmak enaaj emman bok in ippam.” “Ebooļ pija ie.”  
Batbayar eaar kalimjōk kōbar eo. *Bwebwenato ko an Bok in Mormon* eaar ba. Juon pija ilo kōbar eo ej kwaļok an arnej ro jek juon wa.  
Batbayar eaar ba, “Ij keememej bwebwenato in.” “Emman in eaar jaje kilen jek wa eo. Kōn menin ekar jar. Im Anij ekar jipañ e.”  
“Ejimwe,” Sister Enkhtuya ekar ba. “Kwonaak ke kajjieoñ riiti bok in? Innām kwon jar nān jeļā ta eo ej katakin ej moool.”  
“Inaaj,” Batbayar eaar kallimur.  
Jen joteen eo eaar riit jān bok eo ippān pija ko. Eaar riiti bwebwenato eo kōn wa eo. Innām

eaar jar. Eaar kiki ļok ļomnak kōn emman eo eaar jek wa eo im elmen an kar Anij jipañ E.  
Jān iien eo, kajjojo boñ Batbayar ej riiti juon bwebwenato. Innām jar. Im kajjojo boñ, ej kiki ļok ļomnak kōn ta eo eaar riiti.  
Ke sister mijinede ro raar bar itok, raar katakin Batbayar eļapļok kōn Jisōs Kraist. Batbayar eaar katak kōn rikanaan ro. Eaar ekkatak kōn kien ko an Anij. Eaar etal wōt im jar ippān Bubu im Jimma. Im eaar riit im jar wōt.  
Juon raan Batbayar eaar wōr juon men eao-rōk nān jiroñļok ro jibun im jimman. Eaar ba, “Nē ij riiti bwebwenato ko ilo bok in ippān pija ko, būruwō emman an eñjake.” “Nē ij jar, ij eñjake remool. Ij ļomnak iaikuj in peptaij.”  
Rainin, Batbayar ej juon membōr in Kabuñ in. Eaar emmanļok im emmanļok ilo riit. Im ej riiti wōt Bok in Mormon kajjojo boñ! ●

KOMELE JĀN KEVIN KEELE

Ewi wāween an mijinede ro kar jipañ Batbayar? Wōn ej jipañ eok?